

TARIKH	5 / 12 / 2012	SEKSYEN	Nasional
MUKA SURAT	28	RUANGAN	NASIONAL

Kejayaan Tabung Haji naikkan imej pengurusan Islam

Ketika Prof Diraja Ungku Aziz menge-mukakan kertas kerja bertajuk 'Rancangan Membaiki Ekonomi Bakal-bakal Haji' pada 1959, tidak ramai yang menduga konsep Tabung Haji yang ada sekarang bakal menjadi model ekonomi umat Islam serantau. Penu-buhan Perbadanan Wang Simpanan Bakal-ba-kal Haji pada November 1962 dan beroperasi pada 30 September 1963 kini menjadi model pengurusan jemaah haji terpenting. Memiliki tujuh juta pendeposit dengan kepelbagai-an pelaburan dan perniagaan di Malaysia, Tabung Haji kini muncul sebagai agensi ekonomi ce-merlang berteraskan Islam. Kejayaan ini mem-jadi model kepada umat Islam di Thailand, China dan Kemboja yang cuba mengkaji ke-berkesanan mengurus jemaah haji. Terbaru tokoh perbankan Islam terkemuka India, Iqbal Khan mencadangkan penubuhan agensi se-umpamanya di India. Tokoh yang memenangi Anugerah Diraja Kewangan Islam pada Sep-tember lalu, mencadangkan kepada Presiden India, Pranab Mukherjee kerana yakin dapat membantu umat Islam di negara itu untuk menyimpan beransur-ansur bagi mengerjakan haji. Iqbal yang juga Ketua Eksekutif Fajr Capital Ltd yakin konsep penubuhan Tabung Haji sa-ngat baik kerana ia bukan saja menggalakkan simpanan dan menguruskan pemergian jema-ah haji ke Makkah, malah berfungsi sebagai badan alternatif kepada umat Islam untuk menyimpan wang sambil melabur secara halal dan mengikut prinsip Islam.

Kita yakin kejayaan Tabung Haji berpunca daripada iltizam pengurusan dan kakitangan untuk menguruskan jemaah ke Tanah Suci se-cara berkesan dan ikhlas. Kerajaan Arab Saudi sudah beberapa kali mengakui keberkesanan pengurusan Tabung Haji berbanding pengu-rusan jemaah negara lain. Dengan operasi ber-landaskan syariah Islam, tidak syak lagi Tabung Haji menjadi model agensi yang halal di samping menyediakan dividen yang kompetitif. Agensi berkenaan juga membayar zakat perniagaan pendeposit selain kebebasan mengeluarkan wang tanpa had. Keberkesanan pengurusan Ta-bung Haji menjadi model umat Islam sejagat kerana operasi yang mengutamakan kepenti-nungan jemaah. Kita harap model kejayaan ini diperkembangkan secara ilmiah. Sarjana dan pemikir Islam perlu mengkaji tradisi dan fal-safah penubuhan Tabung Haji sebagai kejayaan ekonomi Islam. Tidak mudah sesebuah lembaga beroperasi tanpa riba ketika ekonomi dunia dikuasai sekular yang mengutamakan keun-tungan semata-mata. Kejayaan Tabung Haji ad-a-lah bukti kemampuan Malaysia mengamalkan pengurusan Islam secara berkesan.